

莆陽文輯
卷一



新刊陽文譜

新刊陽文譜
PDG

光緒己亥季冬開雕
莆田荔隱山房臧板

自序

莆古稱海濱鄒魯壺華靈淑代產魁彥佳章鴻筆照耀
寰宇重以蒼萃遂垂久遠然自前明鄭山齋莆陽文獻
柯希齋莆陽續編後迄數百年乏有繼者莆文幾於散
佚盡矣憶余弱冠時從父執宋柘耕先生遊論及詩古
文辭先生有彙輯里中遺文之議歲庚申自壽甯貽書
勸勉時方務舉子業席帽奔走弗遑也洎甲戌通籍後
承乏詞垣纂修國史兼撰進奉文間於史館獲覩鄉
先輩文字輒錄置篋中柯亭士柏幸慰仰止而積帙未

能多也客歲歸自杭州從劉君澹齋借讀鈔本又蒐訪諸家遺集采而益之或以人存文或因文存人共得一百八十一首仿桐城姚惜抱古文辭類纂例分爲八類句讀標圈又附注作者官階事略每當空山獨夜青燈熒然案頭一編雜誦數過不啻與唐宋元明本朝諸鉅公晤對斗室中親承其謦欬緒論縱橫上下樂而忘倦不自知手之舞足之蹈而老之將至也嗟乎世變方來邪說欬作厭雞愛鶩風尙日異視遺獻若弁髦蕩文章之正軌方馳騫於怪奇譎詭誕幻不經以相爲炫耀安

有誦及鄉先正之遺文網羅散失於千數百年以後者
哉或曰古文夥頤十八行省無慮數十百家子何獨輯
莆爲余曰僕莆人也在莆言莆辦香前輩是篇之輯未
知於山齋希齋兩前編何如然而搜殘訂缺薈萃於夙
昔莆文不至夫散佚盡者實賴澹齋之力余因是得以
卒業而藉答柘耕先生之遺意云爾爰召剗剗而付之
并述其略於簡端已亥秋荔隱山人涂慶瀾序於華園
舊墅之半舸亭

莆陽文輯目錄卷一

邑人涂慶瀾解坪編

男開棠叔帶
開蔡少海校字

開架季方

敷奏闕廷讜言獻替義則匡君又足垂世皂囊封
板代有鉅製景仰忠規後先相繼輯奏疏二十九

首第一

勸農疏

宋陳靖

言災異疏

宋蔡襄

言用韓琦范仲淹書

蔡襄

論蔡京疏

宋方軫

上皇帝書

宋鄭樵

繳奏謝廓然賜出身詞頭

宋林光朝

陳白札之弊疏

宋陳俊卿

乞停北使疏

陳俊卿

上殿劄子

宋黃公度

召對劄子

宋劉克莊

奏乞坐下史嵩之致仕罪名狀

劉克莊

第二劄子

宋方大琮

薦舉陳獻章疏

明 彭 韶

諫花燈疏

明 黃仲昭

弭災保治疏

明 陳 音

劾錢甯疏

明 方良永

請誅劉瑾疏

明 林 俊

乞恩終養疏

明 陳茂烈

待罪上言疏

明 林大輅

論呂柟鄒守益不宜下獄疏

明 鄭一鵬

劾鄢懋卿疏

明 林 潤

劾嚴世蕃羅龍文疏

林潤

乞裁革珠池市舶內臣疏

明林富

亟舉枚卜閣臣疏

明黃起龍

劾魏忠賢疏

明彭汝楫

閩省海防疏

明王家彥

劾李光地疏

國朝彭鵬

請懲貪虐各官疏

彭鵬

請嚴京城緝兇疏

國朝林源

勸農疏

宋陳靖

臣謹按天下土田。除江淮湖湘。浙右隴蜀河東等處。地里負遠。雖加勸督。未能遽獲其利。古者強幹弱枝之法。必當富實於內。今京畿周環三二十州。幅員數千里。地之墾者十纔一二。稅之入者又十無五六。復有匿里舍而稱逃亡。棄耕農而事遊惰。逃亡既衆。則賦稅歲減。而國用不充。斂收科率。無所不行矣。遊惰既衆。則地利歲削。而民食不足。寇盜殺傷。無所不至矣。臣望擇大臣一人。有深識遠畧者。兼領大司農事。典領於中。又於郡中。

選才智通明。能撫字役衆者。爲副執事於外。皆自京東。京西。擇其膏腴未耕之處。申以勸課。臣又嘗奉使四方。深見民田之利害。汙萊極目。膏腴坐廢。亦加詢問。頗得其由。皆詔書累下。許民復業。蠲其租調。寬以歲時。然鄉縣之間。擾之尤甚。每一戶歸業。則刺報所由。朝耕尺寸之田。暮入差徭之籍。追胥責問。繼踵而來。雖蒙蠲其常租。實無補於損益。況民之流徙。始由貧困。或避私債。或逃公稅。亦旣亡遯。則鄉里檢其資財。至於室廬什器。桑棗材木。咸計其直。或鄉官用以輸稅。或債主取以償逋。

生計蕩然還無所指。以茲浮蕩絕意歸耕。如授斯任。則望備以閑曠之田。廣募遊惰之輩。誘之耕墾。未計賦稅。許令別置版圖。便宜從事。耕桑之外。更課令益種雜木。蔬菜。孳畜羊犬雞豚。給授桑土。潛擬井田。營造室居。使立保伍。逮於養生送死之具。慶弔問餽之資。咸俾經營。並令條制。俟至三五年間。生計成立。戀家懷土。卽計戶定。征量田輸稅。以司農新附之名籍。合計府之簿書。斯實敦本化人之宏量也。若民力有不足。官借繒錢。或以市餼糧。或以營耕具。凡此給受。委於司農。比及秋成。乃

令償直。依時折估。納之於倉。以成數。開白戶部可矣。
按靖字道卿。涪化朝官。太常博士。太宗欲興農事。詔
議均田法。謂呂端曰。靖策正合朕意。召見。賜食。以爲
京西勸農使。後罷。知婺州。遷刑部員外郎。真宗朝。歷
知蘇、泉、越三州。遷太僕卿。集賢學士。左諫議大夫。以
秘書監致仕。卒。贈尚書左僕射。著有勸農奏議。經國
集。

言災異疏

宋 蔡 襄

臣等伏觀陛下以災變屢見。飛蝗爲殃。責躬引過。祈於
天地宗廟社稷。不令殃及萬方。臣伏念災變之來。實由
人事。政治闕失。感動天地。故古之人君。或遇災異。則避
正殿。撤常膳。深自刻責。思所以致之之咎。改之之理。以
至冊免三公者。有之。詔求直言者。有之。此皆消災異。召
和氣之道也。方今天下之勢。至危矣。夷狄驕暴。凌脅中
國。盜賊縱橫。驚劫郡縣。養兵至冗。擇將不精。配率頻繁。
公私匱乏。內外之官。務爲辦事。而少矜恤之心。天下之

民○急○於○供○應○而○有○漕○辦○之○苦○治○道○如○此○未○聞○救○之○之○術○
臣○等○伏○見○數○年○以○來○天○戒○屢○至○朝○廷○雖○有○警○懼○之○意○然○
而○因○循○舊○弊○未○甚○改○更○今○日○災○變○頻○數○蓋○天○意○必○欲○朝○
廷○大○修○人○事○以○救○其○患○乃○可○變○危○爲○安○也○救○患○之○方○莫○
若○原○其○致○災○之○本○致○災○之○本○由○其○君○臣○上○下○之○闕○失○也○
闕○失○之○事○臣○等○敢○次○第○而○言○之○陛○下○不○專○聽○斷○不○攬○威○
權○使○號○令○不○信○於○人○恩○澤○不○及○於○下○此○陛○下○之○失○也○持○
天○下○之○柄○司○生○民○之○命○無○嘉○謀○異○議○以○救○時○弊○不○盡○忠○
竭○節○以○副○任○用○此○大○臣○之○過○也○朝○有○闕○失○而○不○能○救○民○

有疾苦而不能達。陛下寬仁少斷而不能規。大臣循默
避事而不能斥。百官邪正並進而不能辨。四夷交構內
侵而不能謀。有願避之心。無力靜之節。此臣等之罪也。
今陛下既有引過之言。達於天地神祇矣。伏乞陛下必
踐其言。必行其實。踐言行實之要。莫若專聽斷。攬威權。
號令信於人。恩澤及於下。則災異消而和氣應矣。某大
臣不舉職之過。伏乞陛下以致變之由。赫然督責之。若
督責之。又無近效。則用災異冊免三公故事而去之。別
求能賢以救大患。如臣等蒙陛下非次選擢。不能稱職。